

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
SKUPŠTINA KANTONA SARAJEVO
n/r predsjedavajuće

Bosna i Hercegovina
Federacija Bosne i Hercegovine
KANTON SARAJEVO

PRIMJENO: 31-10-2017

Administrativna jedinica	Klasifikacija	Broj priloga
01	05	32022

ZASTUPNIČKO PITANJE

"Zašto se već godinu i po opstruira imenovanje gospođe Mirsade Jaganjac za direktora OŠ "Isak Samokovlija" iako je ista još u martu 2016. u zakonski provedenoj proceduri izabrana i od strane uposlenika škole i od strane roditelja škole, te zakonski ne postoji mogućnost da se na to mjesto postavi neka druga osoba, jer ispunjava sve zakonski propisane uslove za to."

OBRAZLOŽENJE:

I pored zakonski provedene konkursne procedure izbora direktora u kojoj je gospođa Mirsada Jaganjac izabrana od strane roditelja i uposlenika škole za direktora, u nastavku procedure su se skoro dvije godine izmišljale desetine zakonski nepredviđenih razloga da se odugovlači i odgađa imenovanje gospođe Jaganjac na mjesto direktora škole. Materijalni dokazi pokazuju da se cijelo ovo vrijeme pokušava na njeno mjesto instalirati njenu protukandidatkinju u konkursu (gospođu Nevzetu Doljančić). Cijelo vrijeme se podvale i spletke režiraju od strane Ministarstva za obrazovanje, nauku i mlade i njihovog predstavnika u Školskom odboru navedene škole, koja je ujedno i aktivista stranke SDA koja je učestvovala i na prethodnim izborima ove stranke i obavlja u ovom smislu političku funkciju. Iz navedenih razloga je predsjednica Školskog odbora gospođa Alma Muratović veći dio svog mandata u u zakonski propisanom sukobu interesa a nadležno Ministarstvo ju nije smijenilo niti zbog opstrukcija, niti zbog sukoba interesa kada je to trebalo i moralo, niti iz drugih zakonski predviđenih razloga na koje su bili upozoravani u više navrata. Čak je kad je dodatno trebalo odugovlačiti imenovanje, naredeno od nadležne inspekcije, fiktivno povlačeći navedenu gospođu iz Školskog odbora (kako bi osigurali manjak glasova i sl. situacije koje su osiguravale onemogućavanje rada ili otežan rad Školskog odbora) da bi ju nakon izmišljanja novih razloga za odugovlačenje (izmišljenu prijavu antikorupcijskom timu gospođe Jaganjac čime su opet opravdavali odlaganje imenovanja) ponovo vratili na ovo mjesto. Nakon toga su uspjeli da na mjesto VD direktora napokon uz pomoć Ministarstva imenuju protukandidatkinju gospođu Nevzetu Doljančić koja je i sada VD direktorica po ovlaštenju Ministarstva. Sada se čeka imenovanje novih (podobnih) Školskih odbora da se poništi regularno provedena konkursna procedura izbora direktora, na kojoj je izabrana gospođa Jaganjac i da se kroz novu konkursnu proceduru pokuša instalirati kandidat kojeg žele Ministarstvo i Opština odnosno SDA. Ako nije nešto bilo kako treba pri izboru kandidatkinje Jaganjac šta se čekalo skoro dvije godine da se poništi konkurs, a ako je sve bilo kako je propisano zakonom, što mi tvrdimo, zašto se odugovlači sa imenovanjem.

Na kraju tražimo da se ovo imenovanje izvrši kako je u dva navrata naložila i Inspekcija rada koja je sagledala cijeli slučaj i dala svoju instrukciju po ovom pitanju, tj. naložila imenovanje gospođe Jaganjac za direktora O.Š. " Isak Samokovlija", i da se prestane sa mahinacijama po ovom pitanju.

Sarajevo, 31.10.2017

Zastupnik Skupštine Kantona
Bibija Kerla
Demokratska Fronta